

me: \* Domine, misericordia tua in sæculum: opera manuum tuarum ne despicias.

*Ant.* In conspectu Angelorum psallam tibi, Deus meus, ut per eorum custodiam super iram inimicorum meorum, extendas manum tuam, & salvum me faciat dextera tua.

*Ant.* Confortavit Dominus seras portarum Civitatis suæ, & posuit Angelum ad pacem, & custodiam in finibus ejus.

*Psalmus. 147.*

**L**auda, Jerusalem, Dominum: \* lauda Deum tuum, Sion.

Quoniam confortavit seras portarum tuarum: \* benedixit filiis tuis in te.

Qui posuit fines tuos pacem: \* & adipe frumenti satiat te.

Qui emittit eloquium suum terræ: \* veloci-

ter currit sermo ejus. Qui dat nivem sicut lanam: \* nebulam sicut cinerem spargit.

Mittit crystallum suam sicut buccellas: \* ante faciem frigoris ejus? quis sustinebit?

Emittet verbum suum, & liquefaciet ea: \* flabit spiritus ejus, & fluent aquæ.

Qui annuntiat verbum suum Jacob: \* justicias, & judicia sua Israel.

Non fecit taliter omnia nationi: \* & judicia sua non manifestabit eis.

*Ant.* Confortavit Dominus seras portarum Civitatis suæ, & posuit Angelum ad pacem, & custodiam in finibus ejus.

**CAPITULUM.**

4 Reg. 10. v. 32.

Hæc dicit Dominus de Rege Assyriorum: non ingredietur Urbem hanc, nec mittet in eam sagittam, nec occupabit eam clypeus, nec cir-

cumdabit eam munitio. jus in omnia

**HIMNUS.**

**C**ustodes hominum psallimus Angelos, Naturæ fragili quos Patet addidit.

Cœlestis comites, insidiantibus

Ne succumberet hostibus.

Nam quod corruerit proditor Angelus,

Concesis merito pulsus honoribus;

Ardens invidia pellere nititur

Quos cœlo Deus advocat.

Huc custos igitur pervigil advola,

Avertens patria de tibi credita

Tam morbos animi, quam requiescere

Quidquid non sinit incolas.

Sanctæ sit Triadi laus pia jugiter,

Cujus perpetuo numine machina

Triplex hæc regitur, cu-

Regnat gloria sæcula. Amen.

¶. Angelis suis Deus mandavit de te.

℞. Ut custodiant te in omnibus viis tuis.

**AD MAGNIFICAT.**

*Ant.* Super muros tuos, Jerusalem, constitui custodes: tota die & nocte non tacebunt laudare nomen Domini.

**ORATIO.**

**O**mnipotens sempiternus Deus, qui ineffabili providentia unicuique Regno singularum Angelum ad custodiam deputasti: concede, quæsumus; ut Angeli Regni nostri Custodis precibus & patrociniiis ab omnibus semper eruamur adversis. Per Dominum...

**AD MATUTINUM**

*Invitorium.*

Regem Angelorum Do-

minum: \* Venite, ratur iniquitatem: \*  
adoremus. perdes omnes qui lo-

*Hymnus.* Custodes ho-  
minum... *ut supra in*  
*Vesperis.*

IN I. NOCTURNO.

*Ant.* Dirige, Domi-  
ne, per Angelum tuum  
viam nostram, & scuto  
fortitudinis tuæ prote-  
ge servos tuos.

*Psalmus. 5.*  
**V**erba mea auribus per-  
cipe, Domine: \* in-  
tellige clamore meum.

Intende voci oratio-  
nis meæ: \* Rex meus,  
& Deus meus.

Quoniam ad te ora-  
bo: \* Domine, mane  
exaudies vocem meam.

Mane astabo tibi, &  
videbo: \* quoniam non  
Deus volens iniquita-  
tem tu es.

Neque habitabit jux-  
ta te malignus: \* ne-  
que permanebunt injus-  
ti ante oculos tuos.

Odisti omnes qui ope-

ratur iniquitatem: \*  
perdes omnes qui lo-  
quuntur mendacium.

Virum sanguinum &  
dolosum abominabitur  
Dominus: \* ego autem  
in multitudine miseri-  
cordiæ tuæ.

Introibo in domum  
tuam: \* adorabo ad tem-  
plum sanctum tuum in  
timore tuo.

Domine, deduc me in  
justitia tua: \* propter  
inimicos meos, dirige in  
conspectu tuo viam  
meam.

Quoniam non est in  
ore eorum veritas; \*  
cor eorum vanum est.

Sepulchrum patens est  
guttur eorum; linguis  
suis dolose agebant: \*  
judica illos, Deus.

Decidant à cogitatio-  
nibus suis, secundum  
multitudinem impieta-  
tum eorum expelle eos:  
\* quoniam irritaverunt  
te, Domine.

Et latentur omnes  
qui sperant in te: \* in

æternum exultabunt, &  
habitabis in eis.

Et gloriabuntur in te  
omnes qui diligunt no-  
men tuum: \* quoniam  
tu benedices justo.

*Ant.* Domine, ut scuto bo-  
næ voluntatis tuæ: \*  
coronasti.

*Ant.* Dirige, Domi-  
ne, per Angelum tuum  
viam nostram, & scuto  
fortitudinis tuæ protege  
servos tuos.

*Ant.* Minuisti, Do-  
mine, hominem paulo  
minus ab Angelis, sed  
eorum custodia visitasti  
eum, & in periculis mul-  
tis memor ejus fuisti

*Psalmus. 8.*  
**D**omine, Dominus nos-  
ter: \* quam ad-  
mirabile est nomen tu-  
um in universa terra!

Quoniam elevata est  
magnificentia tua: \* su-  
per cælos.

Ex ore infantium &  
lactentium perfecisti lau-  
dem propter inimicos tu-  
os: \* ut destruas ini-  
micum & ultorem.

Quoniam videbo cœ-  
los tuos, opera digito-  
rum tuorum: \* lunam  
& stellas quæ tu fun-  
dasti.

Quid est homo, quod  
memor es ejus? \* aut  
filius hominis, quoniam  
visitas eum?

Minuisti eum paulo  
minus ab Angelis, glo-  
ria & honore coronasti  
eum: \* & constituisti  
eum super opera ma-  
nuum tuarum.

Omnia subjecisti sub  
pedibus ejus: \* oves &  
boves universas, insu-  
per & pecora campi.

Volucres cœli, & pis-  
ces maris: \* qui peram-  
bulant semitas maris.

Domine, Dominus nos-  
ter: \* quam admirabile  
est nomen tuum in uni-  
versa terra!

*Ant.* Minuisti, Domi-  
ne, hominem paulo mi-  
nus ab Angelis, sed eo-  
rum custodia visitasti

eum, & in periculis multis memor ejus fuisti.

*Ant.* Tu Domine, servabis & custodies nos per Angelum tuum ab omni prava generatione, quia in circuitu nostro impii ambulant.

*Psalmus. 11.*

Salvum me fac, Domine, quoniam defecit sanctus: \* quoniam diminutæ sunt veritates à filiis hominum.

Vana locuti sunt unusquisque ad proximum suum: \* labia dolosa, in corde & corde locuti sunt.

Disperdat Dominus universa labia dolosa: \* & linguam magniloquam.

Qui dixerunt Linguam nostram magnificabimus, labia nostra à nobis sunt. \* quis noster Dominus est?

Propter miseriam inopum, & gemitum pauperum, nunc exurgam,

dicit Dominus.

Ponam in salutari: \* fiducialiter agam in eo.

Eloquia Domini, eloquia casta: \* argentum igne examinatum, probatum terræ, purgatum septuplum.

Tu Domine, servabis nos: & custodies nos, \* à generatione hac in æternum.

In circuitu impii ambulant: \* secundum altitudinem tuam multiplicasti filios hominum.

*Ant.* Tu Domine, servabis & custodies nos per Angelum tuum ab omni prava generatione, quia in circuito nostro impii ambulant.

℣. Angelis suis Deus mandavit de te.

℞. Ut custodiant te in omnibus viis tuis.

LECTIO I.

De Libro Apocalypsis Beati Joannis Apostoli.

Cap. 8. v. 2.

Vidi septem Angelos stantes in conspec-

tu Dei, & datæ sunt illis septem tubæ. Et alius Angelus venit, & stetit ante Altare habens thuribulum aureum: & data sunt illi incensa multa, ut daret de orationibus Sanctorum omnium super Altare aureum, quod est ante thronum Dei. Et ascendit fumus incensorum de orationibus Sanctorum de manu Angeli coram Deo. Et accepit Angelus thuribulum, & implevit illud de igne Altaris, & misit in terram, & facta sunt tonitrua, & voces, & fulgura, & terræmotus magnus.

℞. Angelis suis Deus mandavit de te, \* Ut custodiant te in omnibus viis tuis. ℣. In manibus portabunt te, ne forte offendas ad lapidem pedem tuum. \* Ut custodiant...

LECTIO II.

Et septem Angeli, qui habebant septem tubas, preparaverunt se, ut tuba canerent. Et primus Angelus tuba cecinit, & facta est grando, & ignis mixta in sanguine, & missum est in terram, & tertia pars terræ combusta est, & tertia pars arborum concremata est, & omne fœnum viride combustum est. Et secundus Angelus tuba cecinit: & tamquam mons magnus igne ardens missus est in mare, & facta est tertia pars maris sanguis, & mortua est tertia pars creaturæ eorum, quæ habebant animas in mari, & tertia pars navium interiit.

℞. Immitte Angelum suum Dominus in circuitu timentium eum: \* Et de omnibus tribulationibus suis eripiet eos. ℣. Clamaverunt justii, & Dominus exaudivit eos,

& misit Angelum suum.  
\* Et de omnibus...

## LECTIO III.

**E**t tertius Angelus tuba cecinit: & cecidit de coelo stella magna, ardens tanquam facula, & cecidit in tertiam partem fluminum, & in fontes aquarum, & nomen stellæ dicitur Absinthium; & facta est tertia pars aquarum in adsinthium: & multi hominum mortui sunt de aquis, quia amaræ facte sunt. Et quartus Angelus tuba cecinit: & percussa est tertia pars solis, & tertia pars lunæ, & tertia pars stellarum, ita ut obscuraretur tertia pars eorum, & diei non luceret pars tertia, & noctis similiter. Et vidi, & audivi vocem unius aquilæ volantis per medium cœli, dicentis, voce magna: Væ, væ, væ, habitantibus in terra de cæteris vocibus tri-

um Angelorum, qui erant tuba canituri.

**R.** Super muros tuos Jerusalem, posui custodes, \* Qui tota die, ac nocte non cessabunt laudare nomen Domini.

**V.** Predicabunt populis fortitudinem meam, & annuntiabunt gentibus gloriam meam. \* Qui tota.. Gloria Patri... Qui tota...

IN II. NOCTURNO.

**Ant.** Custodi nos, Domine, ut pupillam oculi, sub umbra alarum tuarum protege nos.

*Psalmus. 16.*

**E**xaudi, Domine, iustitiam meam: \* intende deprecationem meam.

Auribus percipe orationem meam, \* non in labiis dolosis.

De vultu tuo iudicium meum prodeat: \* oculi tui videant æquitates.

Probasti cor meum, & visitasti nocte: \* igne me examinasti, & non

est inventa in me iniquitas.

Ut non loquator os meum opera hominum: \* propter verba labiorum tuorum ego custodivi vias duras.

Perfice gressus meos in semitis tuis: \* ut non moveantur vestigia mea.

Ego clamavi quoniam exaudisti me, Deus: \* inclina aurem tuam mihi, & exaudi verba mea.

Mirifica misericordias tuas, \* qui salvos facis sperantes in te.

A resistentibus dexteræ tuæ custodi me, \* ut pupillam oculi.

Sub umbra alarum tuarum protege me: \* á facie impiorum qui me afflixerunt.

Inimici mei animam meam circumdederunt, adipem suum concluserunt: \* os eorum locutum est superbiam.

Projicientes me nunc circumdederunt me: \* oculos suos statuerunt

declinare in terram.

Susceperunt me sicut leo paratus ad prædam: \* & sicut catalus leonis habitans in abditiis.

Exurge, Domine, præveni eum, & supplantam eum: \* eripe animam meam ab impio, framam tuam ab inimicis manus tuæ.

Domine, á paucis de terra divide eos in vitæ eorum: \* de absconditis tuis adimpletus est venter eorum.

Saturati sunt filii: \* & dimiserunt reliquias suas parvulis suis.

Ego autem in iustitia apparebo conspectui tuo: \* satiabor cum apparuit gloria tua.

**Ant.** Custodi nos, Domine, ut pupillam oculi, sub umbra alarum tuarum protege nos.

**Ant.** Mitte nobis, Domine, auxilium angelicum de sancto, & de Sion tuere Civitatem nostram.

*Psalmus. 26.*

**E**xaudiat te Dominus  
in die tribulationis:  
\* protegat te nomen Dei  
Jacob.

Mittat tibi auxilium  
de sancto, \* & de Sion  
tueatur te.

Memor sit omnis sa-  
crificii tui: \* & holoca-  
ustum tuum pingue fiat.

Tribuat tibi secun-  
dum cor tuum: \* & om-  
ne consilium tuum con-  
firmet.

Lætabimur in saluta-  
ri tuo: \* & in nomine  
Dei nostri magnificabi-  
mur.

Impleat Dominus om-  
nes petitiones tuas: nunc  
cognovi quoniam salvum  
fecit Dominus Christum  
suum.

Exaudiet illum de cœ-  
lo sancto suo: \* in po-  
tentatibus salus dexte-  
ræ ejus.

Hi in curribus, & hi  
in equis: \* nos autem  
in nomine Domini Dei  
nostri invocabimus.

Ipsi obligati sunt, &  
ceciderunt: \* nos autem  
surreximus, & erecti su-  
mus.

Domine, salvum fac  
regem: \* & exaudi nos  
in die, qua invocaveri-  
mus te.

*Ant.* Mittet nobis Do-  
mine, auxilium angeli-  
cum de sancto, & de Si-  
on tuere Civitatem nos-  
tram.

*Ant.* Qui tribulant nos  
inimici nostri, infirma-  
ti sunt, & ceciderunt,  
quia Dominus protexit  
nos per Angelum suum  
in abscondito tabernacu-  
li sui.

*Psalmus. 19.*

**D**ominus illuminatio  
mea, & salus mea,  
\* ¿quem timebo?

Dominus protector vi-  
tæ meæ, \* ¿á quo tre-  
pidabo?

Dum appropiant super  
me nocenter, \* ut edant  
carnes meas.

Qui tribulant me ini-  
mici mei, \* ipsi infirma-

ti sunt, & ceciderunt.  
Si consistant adversum  
me castra, \* non timebit  
cor meum.

Si exurgat adversum  
me prælium, \* in hoc  
ego sperabo.

Unam petii à Domino,  
hanc requiram, \* ut in-  
habitarem in domo Dñi, om-  
nibus diebus vitæ meæ:

Ut videam voluptatem  
Domini, \* & visitem  
templum ejus.

Quoniam abscondit me  
in tabernaculo suo: \* in  
die malorum protexit  
me in abscondito taber-  
naculi sui.

In petra exaltavit me:  
\* & nunc exaltavit ca-  
put meum super inimi-  
cos meos.

Circuivi, & immola-  
vi in tabernaculo ejus  
hostiam vociferationes: \*  
cantabo, & psalmen di-  
cam Domino.

Exaudi, Domine, vo-  
cem meam, qua clama-  
vi ad te: \* miserere mei  
& exaudi me.

Tibi dixit cor meum,  
exquisivit te facies meæ:  
\* faciem tuam, Domine,  
requiram.

Ne avertas faciem tu-  
am á me: \* ne declines  
in ira á servo tuo.

Adjutor meus esto: \*  
ne derelinquas me, ne-  
que despicias me, De-  
us salutaris meus.

Quoniam pater meus,  
& mater mea derelique-  
runt me: \* Dominus au-  
tem assumpsit me.

Legem pone mihi, Do-  
mine, in via tua: \* & diri-  
ge me in semitam rectam  
propter inimicos meos.

Ne tradideris me in  
animas tribulantium me:  
\* quoniam insurrexerunt  
in me testes iniqui, &  
mentita est iniquitas sibi.

Credo videre bona Do-  
mini \* in terra viventium.

Expecta Dominum,  
viriliter age: \* & con-  
fortetur cor tuum, &  
sustine Dominum.

*Ant.* Qui tribulant nos  
inimici nostri, infirma-

ti sunt, & ceciderunt, quia Dominus protexit nos per Angelum suum in obscondito tabernaculi sui.

Ÿ. Dirige nos, Domine, per Angelum tuum.

R. Quoniam tu es Salvator noster.

LECTIO IV.

Ser. Sti. Bernardi Abb.

In supernis spiritibus non solum admirabilis dignitas, sed dignatio amabilis invenitur. Dignum est proinde, fratres, ut gloriam non capientes, tanto magis amplectamur misericordiam, qua nimirum constat nihilominus abundare domesticos Dei, coeli cives, Principes Paradisi. Testatur denique Apostolus ipse qui raptus usque ad tertium coelum, beatæ illi Curia meruit interesse, atque ejus nosse secreta, quoniam omnes administratorii sunt Spiritus, missi in ministerium propter eos, qui

hæreditatem capiunt salutaris. Neque id cuiquam incredibile videatur, quandoquidem ipse quoque Creator, & Rex Angelorum venit non ministrati sed ministrare, & animam suam dare pro multis; Ut quid ergo ministerium illud Angelorum quispiam dedignetur, in quo præcedit eos, cui in excelsis tota cum aviditate, & felicitate ministrant? Si & hinc dubitas; utique qui vidit, testimonium perhibuit, millia, inquam milium ministrabant ei, & decies millies centena millia assistebant ei. Alius quoque Prophetæ ad Patrem de Filio loquens, ait: Minuisti eum paulo minus ab Angelis. Sic plane. sic decet ut vincat & humilitate vincebat; sitque tanto minor Angelis, quanto inferiori sese ministerio mancipavit. Qui

tanto excellentior est, quanto differentius præcis nomen hæreditavit.

R. Misit Dominus Angelum suum, & conclusit ore leonum. \* Et non nocuerunt mihi. Ÿ. Misit Dominus misericordiam suam, & forritudinem suam, animam meam liberavit de medio catulorum leonum.

Et non nocuerunt....

LECTIO V.

Ÿ Sed quæras fortasse in quo minoratus videatur ab Angelis, cum ministrare venit, quandoquidem, ut supra meminibus, in ministerium mittuntur & illi? In eo utique; quod non modo ministravit, sed & ministratus est, eratque unus & idem, qui ministrabat. Merito proinde Sponsa in Canticis Canticorum: ecce, inquit, iste venit saliens in montibus transiliens colles. Ministrans enim salit inter Angelos, sed & ip-

sos transiliit ministratus. Ministrant enim Angeli, sed de alieno, offerentes Deo bona opera, non sua, sed nostra, ac nobis ejus gratiam referentes. Unde & Scriptura dicens: Quoniam ascendit fumus aromatum in conspectu Domini de manu Angeli: solícite præmissit data ei fuisse incensa multa. Nostros enim sudores, non suos, nostras, non suas lacrymas offerunt Deo; nobis quoque ejus numera referunt, non sua. Non sic minister ille sublimior cunctis, sed & humilior universis, qui semetipsum obtulit sacrificium laudis, qui Patri offerens animam suam, nobis ministrat usque hodie carnem suam. Hujus utique tanti ministri gratia nihil mirum, si dignanter nobis, immo & libenter Angeli sancti ministrent. Ipsi enim amant nos, quia nos Christus ama-

vit. Dicitur certe vulgari quodam proverbio: qui me amat, amat & canem meum. Nos vero; 6 beati Angeli? catelli sumus Domini illius, quem toto affectu diligitis: catelli inquam, cupientes saturari de micis, quæ cadunt de mensa dominorum nostrorum, qui estis vos. Et hæc dixerim, fratres, ut ampliorum de cætero erga beatos Angelos fiduciam habeatis, ac proinde familiarius in omni necessitate vestra eorum invocetis auxilia. Sed & dignius in eorum presentia conversari, & magis ac magis eorum vobis conciliare gratiam, captare benevolentiam, & exorare clementiam studeatis. R. Muro tuo inexpugnabili circumcinge nos, Domine: \* Et armis tuæ potentia protegere nos. V. Emitte, Domine, Angelum tuum, qui custodiat nos in omnibus

viis nostris. \* Et armis...

## LECTIO VI.

Quæ cum ita sint, penes nos sollicitudine opus est; dilectissimi, ut dignos nos exhibeamus eorum frequentia, & eo modo conversemus in conspectu Angelorum. ne forte sanctos offendamus obtutus. Væ enim vobis, si quando provocati peccatis, & negligentis nostris, indignos nos judicaverint presentia, & visitatione sua, ut jam necesse habeamus & nos plangere, & dicere cum Propheta: Amici mei, & proximi mei adversum me appropinquaverunt & steterunt, & qui juxta me erant, de longe steterunt, & vim faciebant, qui quærebant animam meam: elongatis nimirum eis, quorum presentia protegere nos, & propulsare poterat inimicum. Quod si tam necessariam

habemus familiaritatem dignationis Angelicæ, cavenda nobis eorum offensa, & in his maxime exercendum quibus eos novimus oblectari. Sunt enim plurima, quæ eis placent, & quæ in nobis invenire delectat, ut est sobrietas, castitas, paupertas voluntaria, crebri in cælum gemitus, & orationes cum lacrymis, & cordis intentione. Attamen supra omnia hæc unitatem, & pacem a nobis exigunt Angeli Pacis.

R. Expugna, Domine, impugnantes nos: \* Et libera nos de inimicis nostris. V. Fiant viæ illorum tenebræ, & lubricum, & Angelus Domini persequens eos. \* Et libera... Gloria Patri... Et libera...

## IN III. NOCTURNO.

Ant. Immisit Angelus Domini in circuitu timentium eum, & de multis tribulationibus eripuit eos.

*Psalms. 33.*  
**B**enedicam Dominum in omni tempore, \* semper laus ejus in ore meo.  
 In Domino laudabitur anima mea: \* audiant mansueti, & letentur.  
 Magnificate Dominum mecum: \* & exaltemus nomen ejus in idipsum.  
 Exquisivi Dominum, & exaudivit me, \* & ex omnibus tribulationibus meis eripuit me.  
 Accedite ad eum, & illuminamini: \* & facies vestrae non confundentur.  
 Iste pauper clamavit, & Dominus exaudivit eum: \* & de omnibus tribulationibus ejus salvavit eum.  
 Immittet Angelus Domini in circuitu timentium eum: \* & eripiet eos.  
 Gustate, & videte quoniam suavis est Dominus: \* beatus vir, qui sperat in eo.

Timete Dominum, om-

nes sancti ejus: \* quoniam non est inopia timentibus eum.

Divites aguerunt & esurierunt: \* inquirentes autem Dominum non minuentur omni bono.

Venite, filii, audite me: \* timorem Domini docebo vos.

Quis est homo qui vult vitam: \* diligit dies videre bonos?

Prohibe linguam tuam á malo: \* & labia tua me loquantur dolum.

Diverte á malo, & fac bonum: \* inquire pacem, & perseguere eam.

Oculi Domini super justos: \* & aures ejus in preces eorum.

Vultus autem Domini super facientes mala: \* ut perdat de terra memoriam eorum.

Clamaverunt justii, & Dominus exaudivit eos: \* & ex omnibus tribulationibus eorum liberavit eos.

Juxta est Dominus iis,

qui tribulato sunt corde: \* & humiles spiritu salvabit.

Multæ tribulationes justorum: \* & de omnibus his liberavit eos Dominus.

Custodit Dominus omnia ossa eorum: \* unum ex his non conteretur.

Mors peccatorum pessima: \* & qui oderunt justum delinquent.

Redimet Dominus animas servorum suorum: \* & non delinquent omnes qui sperant in eo.

*Ant.* Immisit Angelus Domini in circuitu timentium eum, & de multis tribulationibus eripuit eos.

*Ant.* Adorate Dominum, omnes Angeli ejus, quoniam Dominus custodivit animas servorum, suorum, & de manu peccatoris liberavit eos.

*Psalmus 96.*

**D**ominus regnavit, exultet terra: \* lætentur insulæ multæ.

Nubes, & caligo in circuitu ejus: \* justitia & judicium correctio sedis ejus.

Ignis ante ipsum præcedet, \* & inflammabit in circuitu inimicos ejus.

Illuxerunt fulgura ejus orbi terræ: \* vidit, & commota est terra.

Montes sicut cera fluxerunt á facie Domini: \* á facie Domini omnis terra.

Annuntiaverunt cœli justitiam ejus: \* & viderunt omnes populi gloriam ejus.

Confundantur omnes qui adorant scultilia, \* & qui gloriantur in simulacris suis.

Adorate eum, omnes Angeli ejus: \* audivit, & lætata est Sion.

Et exultaverunt filii Judæ, propter juditia tua, Domine:

Quoniam tu Dominus altissimus super omnem terram: \* nimis exaltatus super omnes deos.

Qui diligitis Dominum, odite malum: \* custodit Dominus animas sanctorum suorum, de manu peccatoris liberabit eos.

Lux orta est justo, \* & rectis corde lætitia.

Lætamini justii in Domino: \* & confitemini memoriæ sanctificationis ejus.

*Ant.* Adorate Dominum, omnes Angeli ejus, quoniam Dominus custodivit animas servorum suorum, & de manu peccatoris liberavit eos.

*Ant.* Benedicite Dominum, omnes Angeli ejus, & notas nobis facite vias ejus.

*Psalmus 102.*

**B**enedic, anima mea, Domino: \* & omnia, quæ intra me sunt, nomini sancto ejus.

Benedic, anima mea, Domino: \* & noli oblivisci omnes retributiones ejus.

Qui propietiatu omnibus iniquitatibus tuis:



\* qui sanat omnes infirmitates tuas.

Qui redimit de interitu vitam tuam: \* qui coronat te in misericordia & miserationibus.

Qui replet in bonis desiderium tuum: \* renovabitur ut aquilæ juventus tua.

Faciens misericordias Dominus: \* & iudicium omnibus injuriam patientibus.

Notas fecit vias suas Moysi, \* filiis Israel voluntates suas.

Miserator, & misericors Dominus: \* longanimis, & multum misericors.

Non in perpetuum irascetur: \* neque in æternum comminabitur.

Non secundum peccata nostra fecit nobis: \* neque secundum iniquitates nostras retribuit nobis.

Quoniam secundum altitudinem cœli á terra: \* corroboravit miseri-

cordiam suam super timentes se.

Quantum distat ortus ab occidente: \* longe fecit á nobis iniquitates nostras.

Quomodo miseretur pater filiorum, misertus est Dominus timentibus se: \* quoniam ipse cognovit figmentum nostrum.

Recordatus est quoniam pulvis sumus: \* homo sicut fœnum dies ejus tanquam flos agri sic efflorevit.

Quoniam spiritus pertransibit in illo, & non subsistet: \* & non cognoscet amplius locum suum.

Misericordia autem Domini ab æterno, \* & usque in æternum super timentes eum.

Et justitia illius in filios filiorum, \* his qui servant testamentum ejus.

Et memores sunt mandatorum ipsius, \* ad fa-

ciendum ea. Dominus in cœlo paravit sedem suam: \* & regnum ipsius omnibus dominabitur.

Benedicite Domino. omnes Angeli ejus: \* potentes virtute, facientes verbum illius, ad audiendam vocem sermonum ejus.

Benedicite Domino. omnes virtutes ejus: \* ministri ejus, qui faciunt voluntatem ejus.

Benedicite Domino. omnia opera ejus: \* in omni loco dominationis ejus, benedic, anima mea, Domino.

*Ant.* Benedicite Dominum, omnes Angeli ejus, & notas nobis facite vias ejus. *ŷ.* Mitte, Domine, Angelum tuum de cœlis.

*R.* Qui custodiat, & illuminet nos.

*Homilia & Lectiones*  
3. *Nocturni sumantur ex Breviario Romano sub die 29. Septembris in*

*festo sancti Michaelis Archangeli.*

*R.* VII. Domine Deus omnipotens, ædificator, & custos Jerusalem Civitatis supernæ, mitte Angelum tuum \* Ut custodiat Regnum, & locum istum cum omnibus habitatoribus suis. *ŷ.* Convertere, Domine, faciem tuam super Populum tuum, & visita nos per Angelum tuum. \* Ut custodiat. *R.* VIII. Regnum, & Civitatem istam circumda, Domine: \* Et Angeli tui custodiant muros ejus: exaudi Populum tuum cum misericordia. *ŷ.* Avertatur, Domine, furor tuus ab hoc Regno, & Civitate tua \* Et Angeli tui... Gloria Patri... Et Angeli tui...  
*AD LAUDES, ET HORAS.*

*Ant.* Induit Angelus Princeps noster fortitudinem, & præcinxit se virtute, & firmavit Civitatem nostram, quæ non commovebitur ab inimi-

eis nostris. *Psalm.* Dominus regnavit... cum reliquis de Dominica.

*Ant.* Jubilate Deo, omnes civis ejus, quoniam Dominus, qui fecit nos, ipse custodiet, & liberabit nos.

*Ant.* Ad te, Domine, de luce vigilat Angelus Princeps, & custos noster, & super Civitatem istam: ideo inimici nostri in vanum quæsierunt expugnare eam.

*Ant.* Benedicant Dominum omnes Angeli ejus, & repellant á nobis omnes potestates adversas.

*Ant.* Laudate Dominum, omnes Angeli ejus, & alligate inimicos nostros in compedibus, & omnes impugnantes non in manibus ferreis,

*Cap. 4 Reg. Cap. 19 v. 32.* Hæc dicit Dominus de Rege Assyriorum: non ingredietur Urbem hanc, nec mittet in eam sagittam, nec occupabit eam clypeus, nec circum-

davit eam munitio.

*HYMNUS.*  
**A**eternæ Rector siderum,

Qui, quidquid est, potentia

Magna creasti, nec regis

Minore providentia: Adesto supplicantium

Tibi reorum cœtui; Lucisque sub crepusculum

Lucem novam damentibus

Tuusque nobis Angelus, Electus ad custodiam,

Hic adsit, á contagio Ut criminum nos protegat.

Nobis draconis æmuli Versutias exterminet;

Ne rete fraudulentæ Incauta nectat pectora.

Metum repellat hostium Nostris procul de finibus:

Pacem procuret civium, Fugetque pestilentiam,

Deo Patri sit gloria, Qui, nos redemit Filius,

Et sanctus unxit Spiritus

Per Angelos custodiat. Amen.

ÿ. Immittet Angelus Domini in circuitu timementium eum. R. Et eripiet eos...

*Ad Benedictus.*

*Ant.* Benedictus Dominus, qui per Angelum salutis visitavit plebem, & Civitatem nostram, & liberavit eam de manu omnium qui

oderunt nos, & direxit pedes nostros in viam pacis.

*Oratio.* Omnipotens sempiternæ Deus... ut

*supra.*

*AD TERTIAM.*

*Ant.* Jubilate Deo... *Capitulum* Hæc dicit Dominus... ut *supra.*

R. br. Angelis suis Deus, \* Mandavit de te. Angelis... ÿ. Ut custodiant te in omnibus viis tuis. \* Mandavit... Gloria Patri... Angelis...

ÿ. Dirige nos, Domi-

ne, per Angelum tuum. R. Quoniam tu es Salvator noster.

*AD SEXTAM.*

*Ant.* Ad te, Domine... *Cap. 4 Reg. 19. v. 33.*

Per viam, qua venit, revertetur, & Civitatem hanc non ingredietur, dicit Dominus: protegamque Urbem hanc, & salvabo eam propter David servum meum.

R. br. Dirige nos, Domine... \* Per Angelum tuum... Dirige nos... ÿ. Quoniam tu es Salvator noster. \* Per Angelum... Gloria Patri... Dirige nos...

ÿ. Mitte, Domine, Angelum tuum de cœlis. R. Qui custodiat, & illuminet nos.

*AD NONAM.*

*Ant.* Laudate Dominum... *Capitulum.*

4. Reg. 19. v. 35.

Factum est igitur in nocte illa: venit Angelus Domini, & per-

cussit in castris Assyrio-  
rum centum octoginta  
quinque millia.

R. br. Mitte, Domine,  
\* Angelum tuum de  
cœlis. Mitte, Domine..

ŷ. Qui custodiat, & il-  
luminet nos, \* Ange-  
lum... Gloria Patri...  
Mitte, Domine....

ŷ. Immittet Angelus  
Domini in circuitu ti-  
mentium eum.

R. Et eripiet eos.

In secundis Vesperis.  
omnia ut in primis, sine  
commemoracione de se-  
quenti.

Pro diebus infra Oc-  
tavam, si qui sunt, in  
quibus fieri debeat de Oc-

tava, primæ Lectiones  
legantur de Scriptura  
occurrente, aliæ suman-  
tur ex Octavario Ro-  
mano.

In die Octava, omnia  
ut in Festo, præter Lec-  
tiones primi Nocturni,  
quæ erunt de Scriptura  
occurrente.

### MISSA.

Introitus cum reliquiis  
ut in Festo Angelorum  
Custodum die 2. Octo-  
bris, præter Orationem  
quæ erit. Omnipotens  
sempiternæ Deus... ut  
supra.

---

Lerida: En la imprenta de Corominas, don-  
de se hallará éste, el oficio de S. Vicente M., el  
Corazon de Jesus, el de S. Fernando, y Ntra.  
Sra. del Pilar y las misas, y otros rezos di-  
ferentes.